

Visoki predstavnik smjenio Nikola Grabovca

Visoki predstavnik, Paddy Ashdown, je danas donio odluku kojom se Nikola Grabovac smjenjuje s funkcije ministra finansija Federacije BiH. Gospodin Grabovac i njegovo ministarstvo su bili umiješani u aferu AM Šped, ali je ministar odbio da preuzme konačnu političku odgovornost za radnje, odnosno nepoduzimanje radnji od strane njegovog ministarstva, te da odstupi sa funkcije.

Gospodin Grabovac, kao i njegovo ministarstvo, imaju veoma specifične odgovornosti prema građanima Federacije, preduzećima i bankarskim institucijama a te odgovornosti su mnogo veće od odgovornosti koje imaju ostala ministarstva. Te odgovornosti obuhvataju kontrolu javnih fondova, te zastupanje FBiH pred nezavisnim finansijskim institucijama (NFI) i međunarodnim donatorima. Zbog odbijanja da odstupi s funkcije, ministar nije uspio da sačuva povjerenje javnosti u upravljanju finansijskim poslovima FBiH. Njegovim ostankom na ovoj funkciji mogu postati otežani i odnosi između FBiH i NFI i međunarodnih donatora. Ostavka gospodina Grabovca na funkciju bi predstavljala ono što se očekuje od bilo kojeg ministra finansija u Europi.

Ova odluka ni u kojem slučaju ne implicira krivičnu odgovornost. Gospodin Grabovac ima pravo na zakonom propisan proces pred sudovima i mora se dozvoliti provođenje krivične istrage koja je u toku. Politička odgovornost gospodina Grabovca je bila da aktivno nadgleda rad svog ministarstva i aktivno i efikasno izvršava poslove i zadatke ministra finansija – u čemu on, kao minister nije uspio.

Vijeće za provedbu mira (PIC) je u decembru 1998. godine zadužilo visokog predstavnika da osigura transparentnost i eliminira mogućnosti za korupciju, izbjegavanje plaćanja poreza i skretanje javnih prihoda. U maju 2000. godine, PIC je zahtijevao od "svih javnih dužnosnika da daju svoju aktivnu i bezrezervnu podršku ovoj Strategiji (borbe protiv korupcije)". Bivši ministar, koji snosi krajnju odgovornost, ne preuzimanjem političke odgovornosti, nije pokazao potrebne sposobnosti rukovođenja. Nepoduzimanjem odgovarajućih mjera gospodin Grabovac je narušio principe ispravnog rukovođenja i transparentnosti, te je Visoki predstavnik bio prinuđen da doneše ovakvu odluku.

Odluka Visokog predstavnika stupa na snagu odmah. Gospodinu Grabovcu se također zabranjuje da ubuduće obavlja bilo kakvu javnu zvaničnu funkciju te funkciju na koju se bira ili imenuje.